
Vår referanse 2020/54897-8
Dato 09.03.2021

Kommunane

Overføring av ansvar for arbeidskøyring av TT-brukarar frå fylkeskommunen til kommunane

Hordaland fylkeskommune har i mange år hatt ei ordning der TT-brukarar som hadde VTA-plass fekk dekkja arbeidsreisa i tillegg til at dei fekk vanleg TT-kvot. Fylkeskommunen har lenge hatt ynskje om å avvikla denne ordninga, ettersom den ikkje er lovpålagt, og heller ikkje er lagt inn i råmeoverføringa frå staten. Dette fekk auka aktualitet når Hordaland og Sogn og Fjordane slo seg saman, og Sogn og Fjordane ikkje hadde denne ordninga.

Det er 13 av 43 kommunar i Vestland som har TT-brukarar som er godkjent for arbeidskøyring. Per no er det 175 brukarar som med i ordninga. Oversikt over tal brukarar i den einskilde kommune fylgjer vedlagt. I 2020 nytta fylkeskommunen 7,5 mill kr nto til ordninga. I eit normalår har forbruket vore om lag 11 mill kr nto. Inkludert i dette ligg inntekter frå eigendel på kr 500 per måned (ved 5 dagar arbeidsveke, 400 kr ved 4 dagar osv).

I samband med budsjetthandsaminga for 2021 vedtok fylkestinget å vidareføra ordninga med arbeidskøyring for TT-brukarar med VTA-plass ut 2021. Fylkestinget peikar på at arbeidskøyringa er svært viktig for mange funksjonshemma som ikkje har høve til å nytta kollektiv transport til arbeid. Både for brukarane og familiene deira er dette eit avgjerande tilbod i kvardagen. Fylkestinget er difor opptekne av at tilbodet til denne gruppa vert vidareført av kommunane, og har bedt om at fylkesrådmannen fylgjer opp dette. Me ber difor om å få ei stadfesting frå kommunane om at de vil vidareføra arbeidsreisetilbodet i kommunal regi frå 1.1.2022.

Det praktiske arbeidet med overføring av brukarar vil me koma attende til. Brukarane vil framleis få ordinær TT-kvot, og dei som kvalifiserer for utvida statleg TT-kvot, vil få den i tillegg.

Med helsing

 Håkon Rasmussen
 fylkesdirektør

 Janne Dokken
 seksjonssjef

Brevet er elektronisk godkjent og har difor inga handskriven underskrift

Oversikt over arbeidskøyring mars 2021

Kommune	Tal brukarar pr mars 2021
Bergen kommune	103
Askøy kommune	9
Øygarden kommune	10
Alver kommune	4
Bømlo kommune	3
Kvam herad	15
Kvinnherad kommune	3
Masfjorden kommune	3
Ullensvang kommune	2
Stord kommune	5
Voss herad	4
Bjørnafjord kommune	13
Fedje kommune	1
sum	175

